

Arm einprechen mit ainnem schnidt

71

99



Wstem so jr mit dem zu fechten zusammen kummt vnd also
gogen ainander auffstreich so nimb des einprechens inn dem auffstreich gewar
vnd stannnd mit deinem linncken fuoß vor streicht er dann auf vor dir vnd
gat hoch auf mit seinen Armen so preich jm mit dem ort zwischen seinen
armen hinein das deine hand an seiner prust steendt mit deinem creit
hat er dir also eingeprochen so tritt mit deinem linncken fuoß vmb sein lincke
Kniepug außwendig zeuch damit fast vnder sich vnd setz jm dein lange
schneid ann seinen hals schneid in damit zu der erden begert er dich also zu
schneiden so tritt mit deinem rechten fuoß fur seinen linncken in des sen
jm dein creit an sein prust schieb in damit oben von dir vnd zuech deinen
linncken zu dir so wirstu des schnidts vnd des hacken loig in des hant jm behend
Nach seiner rechten seiten